



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonavno tužilaštvo Srednjobosanskog
kantona/Kantonavno tužiteljstvo Središnja Bosna
Travnik

Broj: T06 0 KTPO 0037530 25
Travnik, 05.05.2026. godine

OPĆINSKOM SUDU U KISELJAKU

Sudcu za prethodno saslušanje

Na osnovu odredbe članka 45. stavak 2. točka i), i članka 241. stavak 1. Zakona o kaznenom postupku Federacije Bosne i Hercegovine, p o d i ž e m:

OPTUŽNICU

Potvrđena dana 18.05.2026.godine

Protiv:

- 1. M.N.**
- 2. M. E.,**
- 3. Exon d.o.o. Kiseljak** sa sjedištem na adresi Ljetovik 1, Kiseljak.

Zbog postojanja osnovane sumnje da su:

Tijekom 2024 godine pa sve do 07.01.2025. godine na području općine Kiseljaka u ime i za račun pravne osobe Exon d.o.o. Kiseljak sa sjedištem na adresi Ljetovik 1, Kiseljak, N. M. kao zakonski zastupnik direktor, a M. E. kao zaposlenik na radnom mjestu projektant kemijske tehnologije i komercijalista zajednički i dogovorno s ciljem obmane kupca neovlašteno u prometu koristili tuđu tvrtku i posebnu oznaku robe, tako što je N.M.od njemu poznate osobe nabavio boce i naljepnice deklaracije koje nalikuju proizvodu Rial universal 750 ml sa mirisom limuna 750 ml vlasništvo Konzum plus Republika Hrvatska i kartonsku ambalažu sa oznakom „RIAL UNIVERSAL limun 750 ml“, a potom su u proizvodno-tehnološkom procesu firme Exon d.o.o. Kiseljak sredstvo za čišćenje Exo Universal 750 ml koje se proizvodi u okviru redovne djelatnosti firme Exon d.o.o. Kiseljak punili u prethodno nabavljene boce i označavali deklaracijom i oznakom proizvoda Rial Universal zaštićenog kod Državnog zavoda za intelektualno

vlasništvo Republike Hrvatske za područje Bosne i Hercegovine pod registracijskim brojem: 852368, na kojoj je navedeno „Uvoznik za Konzum: Konzum d.o.o. Rajlovačka bb Sarajevo Bosna i Hercegovina“, čiji direktan uvoznik za BiH je Konzum d.o.o. Sarajevo, a koje proizvode su potom pakovali u kartonsku ambalažu sa oznakom „RIAL UNIVERSAL limun 750 ml“, svjesni da proizvod Exo Universal 750 ml neovlašteno označavaju tuđim prijavljenim znakom kojim je zaštićen vanjski oblik, a potom predstavljajući ih kao originalne proizvode Rial Universal sa mirisom limuna 750 ml isti prodavali firmi Vujević d.o.o. Vitez kako bi bili dostupni krajnjem kupcu, što su i htjeli, čime su doveli kupca u zabludu, te dana 17.10.2024. godine firmi Vujević d.o.o. Vitez prodali 512 komada proizvoda koje nalikuju proizvodu Rial Universal za koje je firma Exon d.o.o. Kiseljak izdala račun broj: *** gdje je pod rednim brojem sedam (7) navedeno Univezalno sredstvo 0,75 lit za iznos od 1.181,70 KM i fiskalni račun BF: ***, a dana 07.01.2025. godine firmi Vujević d.o.o. Vitez prodali 1024 komada proizvoda koje nalikuju proizvodu Rial Universal za koje je firma Exon d.o.o. Kiseljak izdala račun broj: **** gdje je pod rednim brojem 1 (jedan) navedeno Rial univerzalno sredstvo 0,75 lit za iznos od 2.365,44 KM i fiskalni račun BF:***, koja šifra proizvoda je identična šifri proizvoda Exo univerzalno sredstvo 0,75 lit, koje proizvode je kupac izložio u svom maloprodajnom objektu Vujević d.o.o., na adresi Poslovni centar 96, Vitez kako bi isti bili dostupni potrošačima stvarajući kod istih pogrešnu predstavu da kupuju robu navedene marke, na koji način su pribavili korist pravnoj osobi Exon d.o.o. Kiseljak u 3.547,14 KM kojom je pravna osoba raspolagala.

Dakle, s ciljem obmane kupaca poslužili se tuđom tvrtkom i zaštitnim znakom,

Čime bi počinili N. M. i E. M. produženo kazneno djelo Neovlaštena upotreba tuđe tvrtke iz člana 264. Kaznenog zakona FBiH u vezi sa članom 55 i 31 KZ FBiH, a pravna osoba Exon d.o.o. Kiseljak produženo kazneno djelo Neovlaštena upotreba tuđe tvrtke iz člana 264. Kaznenog zakona FBiH u vezi sa članom 128. stava 1. točka c) Kaznenog zakona Federacije Bosne i Hercegovine.

KANTONALNA TUŽITELJICA

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.